

15. 03. 2018 წ

ქ. თბილისი

ერთი მხრივ, შპს „ჯორჯიან ექსპრესი“, ს/კ: 201954965, იურიდიული მისამართი: ქ. თბილისი, წერეთლის გამზ. 105, 0119, როგორც DHL EXPRESS-ისა და DHL GLOBAL FORWARDING/FREIGHT-ის ექსკლუზიური აგენტი საქართველოს ტერიტორიაზე, წარმოდგენილი აღმასრულებელი დირექტორის, პაატა სარიშვილის მიერ, შემდგომში DHL

მეორე მხრივ, სსიპ – ილიას სახელმწიფო უნივერსიტეტი, ს/კ: 204861970, იურიდიული მისამართი: ქ. თბილისი, ქ. ჩოლოყაშვილის გამზ. №3/5; წარმოდგენილი მისი ადმინისტრაციის ხელმძღვანელის ქეთევან ლაკირბაიას მიერ, შემდგომში „დამკვეთი“, ვთანხმდებით შემდეგზე:

### მუხლი 1. ხელშეკრულების საგანი

1.1. შემსრულებელი კისრულობს ვალდებულებას მწარმოებლის დავალებით, საკუთარი სახელითა და მარწმუნებლის ხარჯზე (საქართველოს საგადასახადო კოდექსის 37-ე მუხლის შესაბამისად) განახორციელოს მარწმუნებლის მიერ საქონლის გაფორმებასთან დაკავშირებული პროცედურები შემოსატანი/გასატანი საქონლის/სატრანსპორტო საშუალებების საქონლის გაფორმების მიზნით აუცილებელი ნებისმიერი პროცედურა და საქონლის გაფორმების საქმეში შეასრულოს სხვა საშუაშალო ფუნქციები (შემსრულებლის თანხმობით და შემსრულებლის შესაძლებლობების გათვალისწინებით) CPV: 79100000 (იურიდიული მომსახურებები)

1.2. DHL დამკვეთის საჭიროებისა და მოთხოვნის შესაბამისად, განახორციელებს ამ ხელშეკრულების 1.1. პუნქტში მითითებული მომსახურებებიდან რომელიმე ერთს ან რამდენიმე სახის მომსახურებას. დამკვეთის მიერ არჩეული ყოველი ცალკეული მომსახურების წესები და პირობები 9.1. პუნქტის დათქმის გათვალისწინებით განისაზღვრება დანართით და წარმოადგენს ამ ხელშეკრულების განუყოფელ ნაწილს.

1.3. DHL-ის მომსახურებათა სრული სპექტრი მოიცავს საერთაშორისო, ადგილობრივ და დამატებით მომსახურებებს. ყოველი ცალკეული მომსახურების წესები და პირობები წარმოდგენილია N 01 დანართში.

### მუხლი 2. მომსახურების ღირებულება და გადახდის პირობები

2.1. მომსახურებების საფასურის ოდენობა განისაზღვრება DHL-ის მიერ, დამკვეთისათვის გასაწევი კონკრეტული მომსახურების გამოცხადებული ტარიფების<sup>2</sup> ან მხარეებს შორის წინასწარ, ელექტრონული ფოსტის მეშვეობით, შეთანხმებული საზღაურის შესაბამისად. 1.1 პუნქტის შესაბამისად გაწეული მომსახურების (ნულოვანი ღირებულების დეკლარაცია (ფორმა 4) ღირებულებაა - 50,0 (ორმოცდაათი) ლარი. (WAYB|LL 69 3201 0864; 7 ადგ, 73,4კგ. invoice№8525; 02/03 12018)

2.2. მომსახურების საფასურის ანაზღაურება ხორციელდება DHL-ის მიერ წარმოდგენილი ინვოისის საფუძველზე, ინვოისის წარმოდგენიდან 10 სამუშაო დღის განმავლობაში. გადახდის სპეციფიკიდან გამომდინარე, შესაძლოა, ცალკეულ შემთხვევებში, მხარეებს შორის განისაზღვროს გადახდის სხვა პირობები.

2.3. ანაზღაურება ხორციელდება ეროვნულ ვალუტაში, როგორც ნაღდი, ასევე უნაღდო ანგარიშსწორებით.

2.4. DHL-ს აქვს ტვირთზე/საფოსტო გზავნილზე მფლობელობითი გირავნობის უფლება დამკვეთის მიერ ხელშეკრულებით გათვალისწინებული ყველა ვალდებულების დროულად, სრულად და ჯეროვნად შესრულებამდე.

### მუხლი 3. მხარეთა პასუხისმგებლობა

3.1. ამ ხელშეკრულების მხარეები ვალდებული არიან კეთილსინდისიერად, ჯეროვნად და დათქმულ ვადაში შეასრულონ თავიანთი ვალდებულებები. რომელიმე მხარის მიერ ვალდებულების არაჯეროვანი შესრულების შემთხვევაში, მხარეთა პასუხისმგებლობა განისაზღვრება ამ

<sup>1</sup> ინფორმაცია მომსახურების წესებსა და პირობებში ცვლილებებთან დაკავშირებით გამოქვეყნდება DHL-ის ვებგვერდზე [www.dhl.ge](http://www.dhl.ge) ცვლილების ძალაში შესვლიდან სულ ცოტა 10 დღით ადრე

<sup>2</sup> გამოცხადებული ტარიფების ცვლილების შემთხვევაში DHL-ი ვალდებულია აცნობოს დამკვეთს არანაკლებ 10 (ათი) სამუშაო დღით ადრე. თუ ეს პირობა არ იქნა დაცული, ანგარიშსწორება მოხდება ცვლილების შესვლამდე გამოცხადებული ტარიფების მიხედვით.



ხელშეკრულების 7.2. პუნქტით შეთანხმებული საერთაშორისო და ეროვნული საკანონმდებლო აქტებით.

3.2. ყველა კომერციული, ტექნიკური და სხვა სახის ინფორმაცია ან მონაცემები, რომლებსაც მხარეები მიიღებენ ერთმანეთისგან, მკაცრად კონფიდენციალურია. ორივე მხარე ვალდებულია, მოეციდოს ასეთ ინფორმაციას, როგორც საკუთარს და არ დაუშვას ამ ვალდებულების დარღვევა.

#### **მუხლი 4. პრეტენზიებისა და მიმართვის წარდგენის ვადები**

4.1. ტვირთის/გზავნილის მიღებისას მისი გარეგნულად შესამჩნევი დაზიანებისა ან/და დანაკლისის შემთხვევაში, დამკვეთი ვალდებულია იმავე დღეს აცნობოს DHL-ს აღნიშნულის თაობაზე, მოითხოვოს DHL-ის წარმომადგენლის დასწრება დათვალეირებისას, უზრუნველყოს შესაბამისი აქტის შედგენა მხარეთა წარმომადგენლებისა და დამოუკიდებელი, კომპეტენტური ექსპერტის მონაწილეობით.

4.2. ტვირთის/გზავნილის მიღებისას გარეგნულად შეუმჩნეველი დაზიანებისას, დამკვეთი ვალდებულია მიმართოს DHL-ს შესაბამისი წერილობითი პრეტენზიით ტვირთის/გზავნილის მიღებიდან არაუგვიანეს 7 (შვიდი) დღისა. აღნიშნული ვადის გასვლის შემდეგ დამკვეთის პრეტენზია DHL-ის მიმართ არ დაიშვება.

#### **მუხლი 5. შეტყობინებების გაგზავნის წესი**

5.1. ამ ხელშეკრულებიდან წარმოშობილ ურთიერთობასთან დაკავშირებული ნებისმიერი შეტყობინება მხარეებს მიეწოდებათ წერილობით, ფაქსით ან კურიერის მეშვეობით, ამ ხელშეკრულების 9.5. პუნქტში მითითებულ მისამართებზე, გარდა იმ შემთხვევისა, როცა მხარეთა შეთანხმებით, წერილობითი ურთიერთობისათვის პირდაპირ არის გათვალისწინებული ელექტრონული ფოსტის გამოყენება.

#### **მუხლი 6. ფორს-მაჟორული გარემოებები**

6.1. იმ შემთხვევაში, თუ ხელშეკრულების პირობების შეუსრულებლობა ან/და შესრულების გაჭიანურება გამოწვეულია დაუძლეველი ძალის ზემოქმედების შედეგად (ფორსმაჟორი - სტიქიური უბედურება, ომი, სამხედრო მანევრები, დივერსია, ხანძარი, გაფიცვები, ბლოკადა, ემბარგო, საქართველოს ან მიმღები ქვეყნის ტერიტორიაზე, ისევე, როგორც ტვირთის მოძრაობის მარშრუტზე, სატრანზიტო ქვეყნების ტერიტორიაზე, ტვირთის გადაზიდვასთან დაკავშირებით ხელისუფლებისა და მმართველობის ორგანოების მიერ გამოცემული აქტები, რამაც შეიძლება შეაფერხოს ან/და შეუძლებელი გახადოს მხარეთათვის ამ ხელშეკრულებით მათ მიერ ნაკისრი ვალდებულებებისა და დადგენილი პირობების შესრულება და სხვა), მხარეები გააგრძელებენ ხელშეკრულების პირობების ჯეროვნად შესრულებას ამგვარი გარემოებების დასრულებისთანავე, ხოლო ფორსმაჟორით გამოწვეული ვალდებულებების შეუსრულებლობა არ ჩაითვლება ხელშეკრულების დარღვევად.

6.2. თუ ამგვარი გარემოებები გრძელდება და შეუძლებელს ხდის მხარეთათვის ხელშეკრულებით ნაკისრი ვალდებულებების ჯეროვნად შესრულებას, მხარეები უფლებამოსილი არიან შესაბამისი წერილობითი შეთანხმებით მიაღწიონ მათთვის მისაღებ ნებისმიერ გადაწყვეტილებას.

6.3. იმ მხარემ, რომლისთვისაც შეუძლებელი გახდა ხელშეკრულებით ნაკისრი ვალდებულებების შესრულება ფორსმაჟორული გარემოებების გამო, დაუყოვნებლივ უნდა შეატყობინოს ამის შესახებ მეორე მხარეს, პირველივე შესაძლებლობისთანავე.

#### **მუხლი 7. დავათა გადაჭრის წესი**

7.1. ამ ხელშეკრულებით ნაკისრი ვალდებულების შესრულებიდან წარმოშობილი ნებისმიერი დავა ან/და უთანხმოება უნდა გადაწყდეს მხარეთა შორის მოლაპარაკებების გზით, წინააღმდეგ შემთხვევაში დავას განიხილავს სასამართლო.

7.2. მხარეთა შორის ამ ხელშეკრულების საფუძველზე წარმოშობილი სამართლებრივი ურთიერთობები მოწესრიგდება მომსახურების მარეგულირებელი საერთაშორისო კონვენციებით/შეთანხმებებით, მათი დამატებითი ოქმებითა და დანართებით და საქართველოს მოქმედი კანონმდებლობით.

#### **მუხლი 8. ხელშეკრულების ძალაში შესვლა, ცვლილებები და დამატებები**

##### **ხელშეკრულებაში, ხელშეკრულების ცალმხრივად შეწყვეტის წესი**

8.1. წინამდებარე ხელშეკრულება ძალაში შედის ორივე მხარის მიერ ხელმოწერის მომენტიდან და მოქმედია 2018 წლის 31 დეკემბრამდე.

8.2. ხელშეკრულების ვადამდელი მოშლა დაიშვება წერილობითი შეტყობინების მიღებიდან 10 (ათი) დღის შემდეგ. ხელშეკრულების შეწყვეტამდე მხარეები ვალდებული არიან დაასრულონ მიმდინარე ვალდებულებები. კერძოდ, DHL-მა უნდა დაასრულოს დაწყებული მომსახურება, თუ მისი შეწყვეტა ფაქტობრივად შეუძლებელია, ან კიდევ, ხარჯების გაწევასთან იქნება დაკავშირებული, ხოლო დამკვეთმა უნდა აანაზღაუროს განხორციელებული მომსახურების საფასური და ხარჯებიც, ასეთის არსებობისას.



8.3. ნებისმიერი ცვლილება და დამატება ამ ხელშეკრულებაში ძალაში შედის მხოლოდ წერილობითი ფორმით და იურიდიულ ძალას იძენს მხარეთა ხელმოწერის მომენტიდან. ცვლილებები და დამატებები განიხილება ხელშეკრულების განუყოფელ ნაწილად.

### მუხლი 9. დასკვნითი დებულებები

- 9.1. ამ ხელშეკრულების 1.2. პუნქტში მითითებული მომსახურების წესებისა და პირობებიდან, დანართის სახით ხელშეკრულებას ერთვის მხოლოდ დამკვეთის მიერ არჩეული მომსახურებების წესები და პირობები. ხელშეკრულება არ საჭიროებს იმ მომსახურებათა წესებისა და პირობების თანდართვას, რაც დამკვეთს არ აურჩევია.
- 9.2. ამ ხელშეკრულების 1.2. პუნქტში მითითებული და დამკვეთის მიერ არჩეული წესები და პირობები, ყოველ ცალკეულ შემთხვევაში, წარმოადგენს ხელშეკრულების განუყოფელ ნაწილს.
- 9.3. მხარეები აღიარებენ, რომ წინამდებარე ხელშეკრულებით შეთანხმებული პირობები მათი ნების გამოვლენის შედეგია, ეთანხმებიან მათ და ადასტურებენ თავიანთი ხელმოწერით.
- 9.4. ეს ხელშეკრულება შედგენილია 3 (სამი) ერთმანეთის მიმართ თანაბარი იურიდიული ძალის მქონე ეგზემპლარად და გადაეცემათ მხარეებს.
- 9.5. მხარეთა რეკვიზიტები:

შპს „ჯორჯიან ექსპრესი“  
საკონტაქტო პირი: თეა ზაქარეიშვილი  
ელ. ფოსტა: CONTRACTS@DHL.GE

სსიპ - ილიას სახელმწიფო უნივერსიტეტი  
საკონტაქტო პირი: მალხაზ დაუთაშვილი  
ელ. ფოსტა: mdautashvili@iliauni.edu.ge

### შპს „ჯორჯიან ექსპრესი“

### სსიპ ილიას სახელმწიფო უნივერსიტეტი

მის: წერეთლის 105, 0119 თბილისი, საქართველო  
ს/კ: 201954965  
ტ: 2696060  
ელ. ფოსტა: INFO@DHL.GE  
ს/ს „საქართველოს ბანკი  
ბანკის კოდი: BAGAGE22  
ანგარიშის N: GE70BG000000391050200

მის: თბილისი, ქ. ჩოლოყაშვილის გამზ. №3/5  
ს/კ: 204861970  
ტ: 0322 22 00 09  
ელ. ფოსტა: INFO@iliauni.edu.ge  
სახელმწიფო ხაზინა,  
ხაზინის ერთიანი ანგარიში  
ბანკის კოდი: TRESGE22

აღმასრულებელი დირექტორი  
პაატა სარიშვილი

ადმინისტრაციის ხელმძღვანელი  
ქეთევან ლაკირბაია

(ხელმოწერა/ზექელი)

(ხელმოწერა/ზექელი)



სსიპ – ილიას სახელმწიფო უნივერსიტეტის მიერ CPV: 79100000 საბაჟო გაფორმების მომსახურება სახელმწიფო შესყიდვის მიზნით სსიპ – ილიას სახელმწიფო უნივერსიტეტსა და შპს „ჯორჯიან ექსპრესი“ შორის 2018 წლის 15 მარტს გაფორმებული №03/064 ხელშეკრულების ინსპექტირების განმახორციელებელი და მიღება-ჩაბარების აქტზე ხელმოწერი უფლებამოსილი პირისა და უნივერსიტეტის ადმინისტრაციის ხელმძღვანელის განაცხადი

ქ. თბილისი

2018 წლის 15 მარტი

ჩვენ, ქვემოთ ხელის მომწერნი:

ქეთევან ლაკირბაია – ადმინისტრაციის ხელმძღვანელი;

მალხაზ დაუთაშვილი – შესყიდვების სამსახურის შემსყიდველი;

ინტერესთა კონფლიქტის თავიდან აცილების მიზნით, გავეცანით საქართველოს კანონის „სახელმწიფო შესყიდვების შესახებ“ მე-8 მუხლს – „ინტერესთა კონფლიქტის თავიდან აცილების პირობები“ – და ხელმოწერით ვადასტურებთ, რომ ჩვენი მონაწილეობა სსიპ – ილიას სახელმწიფო უნივერსიტეტის მიერ (CPV: 79100000). საბაჟო გაფორმების მომსახურების სახელმწიფო შესყიდვის მიზნით 2018 წლის 15 მარტს გაფორმებულ №03/064 ხელშეკრულებაში არ იწვევს ინტერესთა კონფლიქტს.

ადმინისტრაციის ხელმძღვანელი:

ქეთევან ლაკირბაია –

შესყიდვების სამსახურის  
შემსყიდველი:

მალხაზ დაუთაშვილი –